



08 AUG, 2024

Rampas rokok putih RM1.5 juta

Harian Metro, Malaysia



Page 1 of 2

Rampas rokok putih **RM1.5 juta**

JKDM Kelantan gagal usaha seludup 9,450 karton rokok dalam dua serbuan di dua daerah

Oleh Siti Rohana Idris
am@hmetro.com.my

Kota Bharu

Sejumlah 9,450 karton rokok seludup dengan anggaran nilai RM1.5 juta termasuk cukai dirampas dalam dua serbuan di Tumpat dan Bachok.

Rampasan dibuat Pasukan Operasi Cawangan Penguatkuasaan Kastam Kota Bharu dan Rantau Panjang Rabu lalu termasuk terhadap dua lori jenis Daihatsu yang digunakan untuk memungkah rokok terbabit.

Pengarah Kastam Kelantan, Wan Jamal Abdul Salam Wan Long berkata, dalam serbuan pertama di Kampung Chat, Tumpat, pasukan operasi mengesan kenderaan itu pada jam 5.45 pagi.

"Kenderaan itu dipercayai dari pangkalan haram di Pengkalan Kubor mengambil rokok yang diseludup masuk menerusi Sungai Golok.

"Ketika ditahan, pemananya bagaimanapun melarikan diri ke kawasan ge-



WAN Jamal (kiri) menunjukkan sebahagian daripada 9,450 karton rokok jenama tidak sah dianggarkan bernilai RM1.5 juta.

lap dan pemeriksaan lanjut dalam kenderaan itu menemui 99 peti yang mengandungi 4,950 karton rokok jenama tidak sah," katanya dalam sidang media,

di pejabat JKDM Kelantan di sini, semalam.

Serbuan di Kampung Badak, Bachok, pada jam 9.30 malam hari yang sama dan berjaya merampas 90 peti

rokok dengan anggaran nilai RM99,000.

Wan Jamal Abdul Salam berkata, semua rokok itu dipercayai diseludup dari jalan laut menggunakan

bot laju sebelum dimuatkan dalam lori yang menunggu di jeti.

"Modus operandi yang digunakan dalam dua kes ini adalah membawa ma-

suk rokok itu menerusi jalan air melalui pesisir laut atau sungai dan dimuatkan dalam lori untuk disimpan sebelum diedarkan.

"Semua rokok yang dirampas ini adalah untuk pasaran tempatan dan kita percaya kedua-dua rampasan ini ada kaitan namun siasatan lanjut mengikut Seksyen 135(1)(e) Akta Kastam 1967 masih dijalankan," katanya.

Beliau berkata, rokok diklasifikasi sebagai barang larangan import yang terakluk di bawah Butiran 66, Jadual Ketiga/Bahagian II Perintah Kastam (Larangan Mengenai Import) 2023.

Menurutnya lagi, jika sabit kesalahan, boleh dikenakan denda tidak kurang dari 10 kali nilai barang atau RM100,000 yang mana lebih besar dan tidak lebih dari 20 kali nilai barang atau RM500,000 yang mana lebih besar.

"Atau boleh juga dipenjarakan tidak kurang enam bulan dan tidak melebihi lima tahun atau kedua-duanya sekali bagi kesalahan pertama," katanya.



08 AUG, 2024

Rampas rokok putih RM1.5 juta

Harian Metro, Malaysia



SUMMARIES

JKDM Kelantan gagal usaha seludup 9,450 karton rokok dalam dua serbuan di dua daerah

Kota Bharu Sejumlah 9,450 karton rokok seludup dengan anggaran nilai RM1.5 juta termasuk cukai dirampas dalam dua serbuan di Tumpat dan Bachok.Rampasan dibuat Pasukan Operasi Cawangan Penguatkuasaan Kastam Kota Bharu dan Rantau Panjang Rabu lalu termasuk terhadap dua lori jenis Daihatsu yang digunakan untuk memunggah rokok terbabit .